

吳門葉天士先生著

景岳張軍

看壽堂原本

張仲景世稱醫聖。所著傷寒論爲諸家之祖。而元王安道摘其三百九十七法之脫衍。複誤得二百三十八條。多所糾正。爲仲景功臣。至越人張介賓景岳一書。託于仲景諸家偏執一見。穿鑿附會。後人無攻其失者。吾郡葉先生天士。號香巖。爲國初神醫。治病奇驗。傳聞于故老。不可勝。

紀而著作之流傳甚鮮。今之風行者若臨證指南等書類多門人志錄不盡出先生之手。先生嘗謂自古醫書已備學者神而明之臨機應變治病有餘是先生信古而不泥古并不欲輕議前人可知惟景岳行世已久先生恐其貽誤後學特詳爲批校。名之曰發揮。發揮者義取周易孔疏且本

朱丹溪局方發揮例言。景岳之當發其覆而揮其誣。俾讀其書者毋爲其說所蔽而治病必通類其情也。較之王氏之增益仲景功尤鉅焉。書久藏于家。嘉慶間先生元孫半帆欲刊行而未果。蓋全書卷帙浩繁。套板工費力有所未逮也。嗣半帆族兄訥人議錄清本單行倣前人經說節其本文。

爲綱而以批本循行聯綴工較省卒亦未成今晉卿爲半帆令嗣始毅然以剞劂自任節縮衣食以鳩其工可謂善繼人之志者矣記曰醫不三世不服其藥葉氏自香巖先生後代明醫理及今晉卿且五傳矣則其家學之有本源奚翅三世遺澤之久而勿替尤難得也予不知醫重晉卿之克

承先志。故不辭而爲贅言。至於貫穴其說。
隱括其理。能爲是書之元晏。則請俟夫精
斯術者。時維

道光二十四年歲次甲辰秋九月仙根褚
逢椿序。

景岳全書

三

小子謙陋於樞素茫未窺涉然習聞我祖
蔚園公好景岳書與青浦何先生元長反
覆講究有年然終卒卒無暇讀也。自往年
先慈患疴久始就其書檢尋方藥於證脉
微奧固非鹵莽所能推測今葉君晉卿刊
其五世祖香巖先生景岳發揮而屬爲之
序竊以不知醫者言醫夫何敢雖然醫猶

儒也。請試以臆言之。大抵正學流傳一毫之差。不能無偏。旣有偏。卽有揅。偏者。正偏之功臣。而或過焉。亦流於偏。則偏與偏。互相病。要其各有所得。各見其偏。各揅其偏。斯無偏之不可歸於正也。易曰。神而明之。存乎其人。斯豈爲一家言哉。後漢張仲景爲醫中之聖。自是以還。代有國

工元時朱丹溪生河間東垣諸家之後集其大成其論說主于寒涼彼見和劑局方多用溫燥之品耗損真陰欲據其偏重于熱不能盡六氣之變之弊而不知矯枉過正亦未進于中行也然則天生名醫既已奏功神效立說垂後矣閱數百十年而復生一人或稍變其術而用之或全反其道

而行之。而厲鍼砥石。運手爪若合符節。豈
故使後來居上。成積薪之勢哉。閱人成世。
氣稟有殊。補偏挾弊。易地皆然。非可概論。
也有明之末。張介賓著景岳全書。大旨矯
丹溪之論。而偏於溫補。閱百餘年。吾吳葉
香巖先生。出治證奇效。名震動至今。在人
口所著作。本事方。釋義全。生集批本。及溫

熱論臨證指南等書流布海內未有以偏
議先生者也。今景岳發揮之刻晉卿自敘
謂攻擊介賓不遺餘力。竊意先生之於介
賓猶介賓之於丹溪。丹溪之於局方歟。抑
先生獨神明于千古。固得其正傳而不復
有偏者歟。小子不知醫。烏敢妄言醫。然而
吳人也。習聞先生治病。無不效者。其治無

不效其學果無偏者歟。夫醫固猶儒也。鶯
湖鹿洞均爲大儒。知仁偶歧門戶。遂別迄
今論定。尊朱者何嘗不尊陸。倘識此而後
可讀先生之發揮歟。應亦先生著書意也。
願以還質諸晉卿。

道光甲辰秋日元和張肇辰同甫譔

景岳全書發揮非辨景岳也。辨崇信景岳偏執溫補之誤也。非辨崇信景岳也。辨天下後世受偏執溫補之害有莫知其非者以致貽誤於無窮也。曷言之臟腑虛實猶貧富也。病邪爲害猶禍作也。去其禍而貧猶可安不去其禍而富不可保一定之理也。無如人情患虛而不顧病猶之患貧而

不顧禍以攻能致虛虛不禁攻之說中患
虛諱病之人心自然樂從不謀而合夫溫
補一法耳謂可以御萬病內經無是說也
仲聖無是說也後賢繼起亦無是說也惟
景岳則闡然言之且曰實而誤補猶可解
救得此說以爲張本旣利投時又可自全
二百年來遂羣然趨便易之門走顛頽之

路昧昧於古人之治法者皆此書作之俑也。先生怒焉傷之。昌言救世能不言之詳而辨之明乎。篇中證必分清。方必細切。而大寒大熱大補大瀉之必不敢率意而行也。揆之丹溪局方發揮。有心心相印者矣。良醫心法如是。如是曩者余岳丈訥人公先生元孫也。欲刻以行世。卒不果。今五世

孫晉卿兄懼是書之久而散佚也乃節錄
景岳原文全錄先生批論手抄付刊屬余
校訂誠仁心仁術也今而後吾知天下後
世不特知偏補之爲害而患虛諱病之人
心亦可自返矣

道光甲辰九月下澣長洲程翔霄誠齋序